

黎全集

序目錄

漢書門	一〇一五
類	一八六
函號	一八六
架	一八六
冊	一八六

內閣文庫	一〇一五
函號	一〇一五
架	一〇一五
冊	一〇一五

內閣文庫	漢	10156
冊數	8	( 1 )
函號	314	226

314-226

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





昌黎先生全集

崑山永裛堂藏板

淺草文庫

昌黎先生集四十卷外集十卷遺文一卷  
集傳一卷先曾伯祖靖調先生校刊本也  
後版歸東海舅氏心遠先生轉以相昇年  
久漫漶不無殘缺今案舊本重加修補以  
成全璧竊以先曾祖端調先生稟承庭訓  
兄弟八人互相師友砥行績學經史子集  
胥鉤元提要評騭梓行頗為士林推重有  
葛版之目中更共燹志皆散佚吾祖吾父

序



極意訪求印本尚不多得而此書刊板獨存不啻靈光之歸然矣夫昌黎之文為古今極則秦淮海云前有作者莫有備於愈後有作者無以加於愈茲集之流布蓋不厭其多也正笏感遺編之零落憶舅氏之盛心區之綴補尤不能自已云  
乾隆六年七月六日曾姪孫正笏謹識



昌黎先生集序

門人李漢編

文者貫道之器也不深於斯道有至焉者不也易繇爻象春秋書事詩詠謠書禮剔其偽皆深矣乎秦漢已前其氣渾然迨乎司馬遷相如董生湯雄劉向之徒尤所謂傑然者也至後漢曹魏氣象萎爾司馬氏已來規範蕩悉謂易已下為古文剽掠潛竊為工耳

李序



文與道藜塞固然莫知也先生生於大曆戊申幼孤  
隨兄播遷韶嶺兄卒鞠於嫂氏辛勤來歸自知讀書  
爲文日記數千百言比壯經書通念曉析酷排釋氏  
諸史百子皆搜抉無隱汗瀾卓踔齋泫澄深詭然而  
蛟龍翔蔚然而虎鳳躍鏘然而韶鈞鳴日光玉潔周  
情孔思千態萬貌卒澤於道德仁義炳如也洞視萬  
古愍惻當世遂大拯頽風教人自爲時人始而驚中

而笑且排先生益堅終而翕然隨以定嗚呼先生於  
文摧陷廓清之功比於武事可謂雄偉不常者矣長  
慶四年冬先生歿門人隴西李漢辱知最厚且親遂  
收拾遺文無所失墜得賦四古詩二百一十聯句十  
一律詩一百六十雜著六十五書啓序九十六哀詞  
祭文三十九碑誌七十六筆硯鱸魚文三表狀五十  
二摠七百并目錄合爲四十一卷目爲昌黎先生集



傳於代又有注論語十卷傳學者順宗實錄五卷列  
於史書不在集中先生諱愈字退之官至吏部侍郎  
餘在國史本傳

韓文考異原序

宋朱熹

南安韓文出莆田方氏近世號爲佳本予讀之信然  
然猶恨其不盡載諸本同異而多折衷於三本也原  
三本之見信杭蜀以舊閣以官其信之也則宜然如  
歐陽公之言韓文印本初未必誤多爲按讎者妄改  
亦謂如羅池碑改步爲涉田氏廟改天明爲王明之

未序



類耳觀其自言爲兒童時得蜀本韓文於隨州李氏  
計其歲月當在天禧中年且其書已故弊脫略則其  
摹印之日與祥符杭本蓋未知其孰先孰後而嘉祐  
蜀本又其子孫明矣然而猶曰三十年間聞人有善  
本者必求而改正之則固未嘗必以舊本爲是而悉  
從之也至於秘閣官書則亦民間所獻掌故令史所  
抄而一時館職所披耳其所傳者豈真作者之手藁

而是正之者豈盡劉向揚雄之倫哉讀者正當擇其  
文理意義之善者而從之不當但以地望形勢爲重  
輕也抑韓子之爲文雖以力去陳言爲務而又必以  
文從字順各識其職爲貴讀者或未得此權度則其  
文理意義正自有未易言者是以予於此書姑考諸  
本之同異而兼存之以待覽者之自擇區區妄意雖  
或竊有所疑而不敢偏有所廢也







論宮市德宗怒貶陽山令有愛在民民生子多以其姓字之改江陵  
法曹參軍元和初權知國子博士分司東都三歲為真改都官員外  
郎即拜河南令遷職方員外郎華陰令柳澗有舉前刺史劾奏之未  
報而刺史罷澗諷百姓遮索軍頓役直後刺史惡之按其獄貶澗房  
州司馬愈過華以為刺史陰相黨上疏治之既御史覆問得澗賊再  
貶封溪尉愈坐是復為博士既才高數黜官又下遷乃作進學解以  
自諭執政覽之奇其才改比部郎中史館修撰轉考功知制誥進中  
書舍人初憲宗將平蔡命御史中丞裴度使諸軍按視及還具言賊  
可滅與宰相議不合愈亦奏言准西連年侵掠得不償費其賊可立

而待然未可知者在陛下斷與不斷耳執政不喜命有人詆愈在江  
陵時為裴均所厚均子錡素無狀愈為文章字命錡謗語鬻暴由是  
改太子右庶子及度以宰相節度彰義軍宣慰准西奏愈行軍司馬  
愈請乘遽先入汴說韓弘使協力元濟平遷刑部侍郎憲宗遣使者  
往鳳翔迎佛骨入禁中三日乃送佛祠王公士庶奔走膜頌至為夷  
法灼體膚委珍貝騰脊係路愈聞惡之乃上表極諫帝大怒持示宰  
相將抵以死裴度崔羣曰愈言訐悖罪之誠宜然非內懷至忠安能  
及此願少寬假以來諫爭帝曰愈言我奉佛太過猶可容至謂東漢  
奉佛以後天子咸天促言何乖刺耶愈人臣狂妄敢爾固不可赦於



是中外駭懼雖戚里諸貴亦為愈言乃貶潮州刺史既至潮以表哀  
 謝帝頗感悔欲復用之持示宰相曰愈前所論是大愛朕然不當言  
 天子事佛乃年促耳皇甫鉞素忌愈直即奏言愈終狂疏可且內移  
 乃改袁州刺史初愈至潮問民疾苦皆曰惡溪有鱷魚食民畜產且  
 盡民以是窮數日愈自往視令其屬秦濟以一羊一豕投谿水而祝  
 之是夕暴風震電起谿中數日水盡涸西徙六十里自是潮無鱷魚  
 患袁人以男女為隸過期不贖則沒入之愈至悉計庸得贖所沒歸  
 之父母七百餘人因與約禁其為隸召拜國子祭酒轉兵部侍郎鎮  
 州亂殺田弘正而立王廷湊詔愈宣撫既行眾皆危之云稹言韓愈

可惜穆宗亦悔詔愈度事從宜無必入愈曰安有受君命而滯留自  
 顧遂疾驅入廷湊嚴兵逐之甲士陳庭既坐廷湊曰所以紛紛者乃  
 此士卒也愈大聲曰天子以公為有將帥材故賜以節豈意同賊反  
 邪語未終士前奮曰先太師為國擊朱滔血衣在此軍何負朝廷  
 乃以為賊乎愈曰以為爾不記先太師也若猶此之固善且為逆與  
 順利害不能遠引古事但以天寶來禍福為爾守明之安祿山史思  
 明李希烈梁崇義朱滔朱泚吳元濟李師道有右子若孫在乎亦有  
 居官者乎眾曰無愈曰田公以魏博六州歸朝廷官中書令父子受  
 旗節劉悟李祐皆大鎮此爾軍所共聞也眾曰弘正刻故此軍不安



愈曰然爾曹害田公又殘其家矣復何道衆乃  
唯曰侍郎語是廷湊  
恐衆心動遽麾使去因泣謂愈曰今欲廷湊何  
為愈曰韓策六軍  
之將如牛元翼比者不少但朝廷顧大體不可  
棄之公久圍之何也  
廷湊曰即出之愈曰若爾則無事矣會元翼亦  
出圍出廷湊不追愈  
歸奏其語帝大悅轉吏部侍郎時宰相李逢吉  
惡李紳欲逐之遂以  
愈為京兆尹兼御史大夫特詔不臺參而除紳  
中丞紳果劾奏愈愈  
以詔自解其後文刺紛然宰相以臺府不協遂  
罷愈為兵部侍郎而  
出紳江西觀察使紳見帝得留愈亦復為吏部  
侍郎長慶四年卒年  
五十七贈禮部尚書謚曰文愈性明銳不詭  
與人交終始不少變

成就後進士往往知名經愈指授皆稱韓門弟子愈官顯稍謝遣凡  
內外親若交友無後者為嫁遺孤女而卹其家嫂鄭喪為服朞以報  
每言文章自漢司馬相如太史公劉向揚雄後作者不世出故愈深  
探本元卓然樹立成一家言其原道原性師範  
深與孟軻揚雄相表裏而佐佑六經云至它文  
造端置辭要為不襲  
蹈前人者然惟愈為之沛然若有餘至其徒李翱李漢皇甫湜從而  
效之遽不及遠甚從愈游者若孟郊張籍亦皆  
名於時  
贊曰唐興承五代剖分王政不綱文弊質窮  
天下已定  
荒別蠹討究儒術以興典憲薰醲涵浸殆百餘  
其後文章稍稍可  
昌黎集傳



述至貞元元和間愈遂以六經之文為諸儒倡  
 障隄末流反刊以標  
 剗偽以真然愈之才自視司馬遷揚雄至班固以下不論也當其所  
 得粹然一出於正刊落陳言橫驚別驅汪洋大肆要之無抵牾聖人  
 者其道蓋自比孟軻以荀況揚雄為未淳寧不信然至進諫陳謀排  
 難卹孤矯拂媮末皇皇於仁義可謂篤道君子矣自晉訖隋老佛顯  
 行聖道不斷如帶諸儒倚天下正議助為怪神愈獨喟然引聖爭四  
 海之惑雖蒙訕笑貽而復奮始若未之信卒大顯於時昔孟軻拒揚  
 墨去孔子才二百年愈排二家乃去千餘歲撥衰反正功與齊而力  
 倍之所以過況雄為不少矣自愈沒其言大行學者仰之如泰山北

斗云



文錄序

唐趙德

昌黎公聖人之徒歟其文高出與古之遺文不相上下所履之道則  
 堯舜禹湯文武周孔孟軻揚雄所授受服行之實也固已不雜其傳  
 由佛及聃莊楊之言不得干其思入其文也以是光於今大於後金  
 石燦燦斯文燦然德行道學文庶幾乎古蓬茨中手持目覽飢食渴  
 飲沛然滿飽顧非適諸聖賢之域而謬志於斯將所以益其影響僻  
 處無備得以所遇次之為卷私曰文錄實以師氏為請益依歸之所

云



記舊本韓文後

宋歐陽修

予少家漢東漢東僻陋無學者吾家又貧無藏書州南有大姓李氏者其子彥輔頗好學予爲兒童時多游其家見其弊筐貯故書在壁間發而視之得唐昌黎先生文集六卷脫略顛倒無次第因乞李氏以歸讀之見其言深厚而雄博然予猶少未能究其義徒見其浩然無涯若可愛是時天下學者揚劉之作號爲時文能者取科第擅名聲以誇榮當世未嘗有道韓文者予亦方舉進士以禮部詩賦爲事年十有七試于州爲有司所黜因取所藏韓氏之文復閱之則喟然



嘆曰學者當至於是而止爾因怪時人之不道而顧已亦未暇學徒時時獨念于予心以謂方從進士干祿以養親苟得祿矣當盡力于斯文以償其素志後七年舉進士及筇官于洛陽而尹師魯之徒皆在遂相與作為古文因出所藏昌黎集而補綴之求人家所有舊本而校定之其後天下學者亦漸趨於古而韓文遂行於世至於今蓋三十餘年矣學者非韓不學也可謂盛矣嗚呼道固有行於遠而止於近有忽于往而貴于今者非惟世俗好惡之使然亦其理有當然者故孔孟惶惶於一時而師法於十萬世韓氏之文沒而不見者二百年而後大施於今此又非特好惡之所上下蓋其久而愈明不可

磨滅雖蔽于暫而終耀于無窮者其道當然也予之始得于韓也當其沈沒弃廢之時予固知其不足以追時好而取勢利於是就而學之則予之所為者豈所以急名譽而干勢利之用哉亦志乎久而已矣故予之仕於進不為喜退不為懼者蓋其志先定而所學者宜然也集本出於蜀文字刻畫頗精於今世俗本而脫繆尤多凡三十年間聞人有善本者必求而改正之其最後卷秩不足今不復補者重增其故也予家藏書萬卷獨昌黎先生集為舊物也嗚呼韓氏之文之道萬世所共尊天下所共傳而有也予於此本特以其舊物而尤惜之



潮州韓文公廟碑

宋蘇軾

匹夫而為百世師一言而為天下法是有以參天地之化關盛衰  
 之運其生也有自來其逝也有所為矣故申呂自嶽降而傳說為列  
 星古今所傳不可誣也孟子曰吾善養浩然之氣是氣也寓於尋常  
 之中而塞乎天地之間卒然遇之則王公失其責晉楚失其富良平  
 失其智賁育失其勇儀秦失其辯是孰使之然哉其必有不依形而  
 立不恃力而行不待生而存不隨死而亡者矣故在天為星辰在地  
 為河嶽幽則為鬼神而明則復為人此理之常無足怪者自東漢以

昌黎先生傳

九

長庚堂



東道喪文弊異端並起歷唐貞觀開元之盛輔以房杜姚宋而不能  
救獨韓文公起布衣談笑而麾之天下靡然從公復歸于正蓋三百  
年於此矣文起八代之衰而道濟天下之溺忠犯人主之怒而勇奪  
三軍之帥此豈非參天地關盛衰浩然而獨存者乎蓋嘗論天人之  
辨以謂人無所不至惟天不容僞智可以欺王公不可以欺豚魚力  
可以得天下不可以得匹夫匹婦之心故公之精誠能開衡山之雲  
而不能回憲宗之惑能訓鱷魚之暴而不能弭皇甫鎛李逢吉之謗  
能信於南海之民廟食百世而不能使其身一日安於朝廷之上蓋  
其所能者天也其所不能者人也始潮人未知學公命進士趙德爲

之師自是潮之士皆篤於文行延及齊民至於今號稱易治信乎孔  
子之言君子學道則愛人而小人學道則易使也潮人之事公也飲  
食必祭水旱疾疫凡有求必禱焉而廟在刺史公堂之後民以出入  
爲艱前守欲請諸朝作新廟不果元祐五年朝散郎王君滌來守是  
邦凡所以養士治民者一以公爲師民旣悅服則出令曰願新公廟  
者聽民謹趨之卜地於州城南七里期年而廟成或曰公去國萬里  
而謫于潮不能一歲而歸沒而有知其不眷戀于潮也審矣軾曰不  
然公之神在天下者如水之在地中無所往而不在也而潮人獨信  
之深思之至煮蒿悽愴若或見之譬如鑿井得泉而曰水專在是豈



昌黎先生集  
理也哉元豐七年詔封公昌黎伯故榜曰昌黎伯韓文公之廟潮人  
請書其事于石因為作詩以遺之使歌以祀公其詞曰公昔騎龍白  
雲鄉手決雲漢分天章天孫為織雲錦裳飄然乘風來帝旁下與濁  
世掃粃糠西游咸池略扶桑草木衣被昭回光追逐李杜參翱翔汗  
流籍湜走且僵滅沒倒景不可望作書詆佛譏君王要觀南海窺衡  
湘歷舜九疑弔英皇祝融先驅海若藏約束鮫鱷如驅羊鈞天無人  
帝悲傷謳吟下招遣巫陽爨牲雞卜羞我觴於粢荔丹與焦黃公不  
少留我涕滂翩然被髮下大荒

昌黎先生集傳終

昌黎先生全集目錄

門人隴西李漢編

後學東吳葛藹校

卷第一

賦 古詩

感二鳥賦

復志賦

閔已賦

別知賦

元和聖德詩

琴操十首

南山

謝自然

秋懷十首

江陵途中寄翰林三學士



暮行河堤上

夜歌

重雲

江漢

長安交遊者

岐山下 一首

卷第二

古詩

北極贈李觀

此日足可惜贈張籍

幽懷

君子法天運

落葉

歸彭城

醉後

醉贈張祕書

同冠峽

送惠師

送靈師

縣齋有懷

合江亭

陪杜侍御遊湘西寺

岳陽樓

送文暢師

答張徹

薦士

喜侯喜至贈張籍張徹

古風

駕驥

馬歌 穀

出門

嗟哉董生行

烽火

汴州亂 二首



利劍

齷齪

卷第三

古詩

河之水一首

山石

天星

汴泗交流

忽忽

鳴鴈

龍移

雉帶箭

條山蒼

贈鄭兵曹

桃源圖

東方半明

贈唐衢

貞女峽

贈侯喜

古意

八月十五夜

謁衡嶽廟

响嶼山

永貞行

洞庭湖阻風

李花

杏花

感春四首

寒食出遊

憶昨行

卷第四

古詩



劉生

鄭羣贈簞

豐陵行

遊青龍寺贈崔補闕

贈崔立之

送區弘

三星行

剝啄行

青青水中蒲三首

孟東野失子

陸渾山火

縣齋讀書

題新竹

晚菊

落齒

哭楊兵部凝陸歙州參

苦寒

赤藤杖歌

酬崔十六少府

送侯參謀

東都過春

感春五首

酬裴十六功曹

燕河南府秀才

送李翱

送石處士

送湖南李正字

卷第五

古詩

辛卯年雪

醉留東野

李花二首

招揚之眾



寄盧仝

酬司門盧四雲夫院長望秋

作

誰氏子

河南令舍池臺

送無本師歸范陽

石鼓歌

雙鳥

贈劉師服

題炭谷湫祠堂

聽潁師彈琴

送陸暢歸江南

送進士劉師服東歸

嘲魯連子

贈張籍

調張籍

和盧郎中雲夫寄示盤谷子歌

寄皇甫湜

病中贈張十八

雜詩

寄崔二十六立之

月蝕詩效玉川子作

孟生

射訓狐

將歸贈孟東野房蜀客

答孟郊

從仕

短燈檠歌

送劉師服

卷第六

古詩

符讀書城南

示爽



人日城南登高

病鴟

華山女

讀皇甫湜公安園池詩書其

後二首

路傍堠

食曲河驛

過南陽

灑吏

贈別元十八協律六首

初南食貽元十八協律

宿曾江口示姪孫湘二首

答柳柳州食蝦蟆

別趙子

除官赴闕至江州寄鄂岳李大夫

南山有高樹行贈李宗閔

猛虎行

卷第七

古詩

雪後寄崔二十六丞公

送僧澄觀

獻山南鄭相公樊員外

和武相公詠孔雀

感春三首

行香贈盧李二中舍人

晚寄張十八助教周郎博士

題張十八所居

酬盧給事曲江荷花行

和錢七盆池所植

記夢

南內朝賀歸呈同官

朝歸

雜詩四首



讀東方朔雜事

譴瘧鬼

示兒

庭楸

翫月喜張十八員外以王六至

和李相公攝事南郊

和裴僕射相公假山

與張十八同效阮步兵

送諸葛覺往隨州讀書

南溪始泛

三首

卷第八

聯句

城南

會合

鬪雞

納涼

秋雨

征蜀

同宿

莎柵

雨中寄孟刑部

遠遊

晚秋鄆城夜會

卷第九

律詩

題楚昭王廟

宿龍宮灘

義魚招張功曹

李員外寄紙筆



次同冠峽

答張十一功曹

郴州祈雨

湘中酬張十一功曹

郴州又贈 二首

題木居士 二首

晚泊江口

湘中

別盈上人

喜雪獻裴尚書

春雪

聞梨花發贈劉師命

春雪間早梅

早春雪中聞鶯

梨花下贈劉師命

和歸工部送僧約

入關詠馬

木芙蓉

題張十一旅舍 三詠

榴花

井

蒲萄

峽石西泉

梁國惠康公主挽歌 二首

和崔舍人詠月 二十韻

詠雪贈張籍

酬王二十舍人雪中見寄

送侯喜

學諸進士作精衛銜石填海

酬振武胡十二大夫

和盧庫部元日朝迴

寒食直歸遇雨

送李六協律歸荆南

題百葉桃花



昌黎全集 目錄 卷之九

春雪

戲題牡丹

盆池

五首

芍藥

奉和號州劉給事三堂

二十一  
詠并序

流水

新亭

月臺

竹洞

竹溪

渚亭

花鳥

北湖

西

柳溪

荷池

竹暹

柳巷

稻畦

北樓

花源

孤嶼

鏡潭

梯橋

方橋

月池

遊城南

十六首

賽神

題于賓客莊

晚春

落花

楸樹二首

風折花枝

昌黎全集

目錄

九

天寶堂



贈同遊

贈張十八助教

題韋氏莊

晚雨

出城

把酒

嘲少年

楸樹

道興

卷第十

律詩

送李尚書赴襄陽

和席八十二韻

和武相公早春聞鶯

太安池闕

遊太平公主山莊

晚春

大行皇太后挽歌詞三首

廣宣上人頻見過

閑遊二首

酬馬侍郎寄酒

和侯協律詠筍

過鴻溝

送張侍郎

贈刑部馬侍郎

和裴相公女兒山下作

鄜城晚飲贈馬侍郎及馮李

二員外

酬別留後侍郎

同李二十八夜次襄城

同李二十八野宿西界

過襄城

宿神龜招李二十八馮十七



次硤石

和李司勳過連昌宮

次潼關寄張十二閣老使君

次潼關上都統相公

桃林夜賀晉公

送李員外院長分司東都

和晉公破賊回重拜台司

獨釣 四首

枯樹

元日酬馬尚書去年元日之

什

詠燈花同侯十一

祖席前字

秋字

送鄭尚書赴南海

答道士寄樹雞

左遷至藍關示姪孫湘

武關西逢配流吐蕃

次鄧州界

題臨瀧寺

酬韶州張使君惠書

題秀禪師房

將至韶州寄張使君借圖經

過始興江口感懷

韶州留別張使君

量移袁州酬張韶州

次石頭驛寄王中丞

遊西林寺題蕭郎中舊堂

自袁州還京次安陸寄周隨州

題廣昌館

寄隨州周員外

酒中留上襄陽李相公

題層峰驛梁

賀張十八祕書得裴司空馬

杏園送張徹



雨中寄張博士侯主簿

和張侍郎酬馬尚書

早春遊楊尚書林亭

奉使常山次太原

夕次壽陽驛題吳郎中詩後

鎮州初歸

同水部張員外曲江春遊寄白舍人

和水部張員外宣政衙賜櫻桃詩

早春呈水部張員外

二首

送桂州嚴大夫

酬馬僕射見寄之作

奉使鎮州酬裴司空

鎮州路上酬裴司空重見寄

和僕射裴相公感恩言志

和僕射相公朝迴見寄

和李相公題蕭家林亭

和杜相公太清宮

卷第十一

雜著

原道

原性

原毀

原人

原鬼

行難

對禹問

雜說四首

讀荀子

讀鵬冠子

讀儀禮

讀墨子



卷第十二

雜著

獲麟解

師說

進學解

本政

守戒

丐者王承福傳

五箴

五首并序

後漢三賢贊

三首

諱辯

訟風伯

伯夷頌

卷第十三

雜著

子產不毀鄉校頌

釋言

愛直贈李君房別

張中丞傳後叙

河中府遠理木頌

汴州東西水門記

燕喜亭記

徐泗濠三州節度掌書記廳

石記

畫記

藍田縣丞廳壁記

新修滕王閣記

科斗書後記

卷第十四



昌黎全集 目錄 三 永懷堂

雜著書

鄆州溪堂詩

猫相乳

進士策問十三首

爭臣論

改葬服議

學生代齋郎議

禘祫議

顏子不貳過論

與李祕書論小功不稅書

太學生何蕃傳

答張籍書

重答張籍書

卷第十五

書

與孟東野

答竇秀才

上李尚書

賀徐州張僕射白兔

上兵部李侍郎

答尉遲生

答楊子

上襄陽于相公

啓

上鄭尚書相公

上留守鄭相公

卷第十六

書

上宰相

後十九日復上

昌黎全集 目錄 永懷堂



後二十九日復上

答侯繼

答崔立之

答李翊

重答李翊

代張籍與李浙東

答李秀才

答陳生

與李翺

卷第十七

書

上張僕射

答胡生

與于襄陽

與崔羣

與陳給事

答馮宿

與衛中行

重上張僕射

與馮宿論文

與祠部陸員外

卷第十八

書

與鳳翔邢尚書

為人求薦

應科目時與人

答劉正夫

答殷侍御

答陳商

與孟尚書

答呂監山人



長安集 目錄

答渝州李使君

答元侍御

卷第十九

書

與鄭相公

與袁相公

與鄂州柳中丞 二百

答魏博田僕射

與華州李尚書

京尹不臺參答友人

序

送陸歙州詩序

送孟東野

送許郢州

送竇從事

上巳日燕太學臨彈琴詩序

送齊皞下第

送陳密

送李愿歸盤谷

送牛堪

卷第二十

序

送董邵南

贈崔復州

送張童子

送浮屠文暢師

送楊支使

送何堅

送廖道士

送王秀才



目錄  
卷第二十一  
卷第二十二

送孟秀才

送陳秀才

送王墳秀才

荆潭唱和詩序

送幽州李端公

卷第二十一

序

送區冊

送張道士

送高閑上人

送殷員外

送馮少尹

送權秀才

送湖南李正字

送石處士

送溫處士赴河陽軍

送鄭尚書

送水陸運使韓侍御歸所治

送鄭十校理

韋侍講盛山十二詩序

石鼎聯句序

卷第二十二

哀辭 祭文

祭田橫墓

歐陽生哀辭

題哀辭後

獨孤申叔哀辭

祭穆員外

祭郴州李使君

目錄  
卷第二十一  
卷第二十二



祭薛助教

祭虞部張員外

祭左司李員外太夫人

祭薛中丞

祭裴太常

潮州祭神 五首

卷第二十三

祭文

袁州祭神 三首

祭柳子厚

祭湘君夫人

祭竇司業

祭侯主簿

祭竹林神

曲江祭龍

祭馬僕射

弔武侍御所畫佛

祭故陝府李司馬

祭十二兄

祭鄭夫人

祭十二郎

祭周氏姪女

祭滂

祭張給事

祭李氏二十九娘子

祭張給事

祭女挈女

卷第二十四

碑誌

李元賓墓銘

崔評事墓銘



目錄  
自金  
考功員外盧君墓銘  
清邊郡王楊燕奇碑文  
國子助教河東薛君墓誌銘  
監察御史元君妻京兆韋氏夫人墓誌銘

施先生墓銘  
考功員外盧君墓銘

施州房使君鄭夫人殯表  
清邊郡王楊燕奇碑文

河南少尹裴君墓誌銘  
國子助教河東薛君墓誌銘

監察御史元君妻京兆韋氏夫人墓誌銘

卷第二十五

碑誌

登封縣尉盧殷墓誌銘  
興元少尹房君墓誌銘

河南少尹李公墓誌銘  
集賢院校理石君墓誌銘

江西觀察使韋公墓誌銘  
河南府王屋縣尉畢君墓

銘

襄陽盧丞墓誌銘  
試大理評事胡君墓銘  
河中府法曹張君墓碣銘

太原府參軍苗君墓誌銘

卷第二十六

碑誌

朝散大夫贈司勳員外郎孔君墓誌銘

中散大夫河南尹杜君墓誌銘

銀青光祿大夫守左散騎常侍致仕上柱國襄陽郡王平陽

路公神道碑銘  
烏氏廟碑銘

目錄  
承慶堂



河東節度觀察使滎陽鄭公神道碑文  
魏博節度觀察使沂國公先廟碑銘

卷第二十七

碑誌

劉統軍碑

衢州徐偃王廟碑

袁氏先廟碑

清河郡公房公墓碣銘

銀青光祿大夫檢校左散騎常侍兼右金吾衛大將軍贈工部尚書太原郡公神道碑文

卷第二十八

碑誌

曹成王碑

息國夫人墓誌銘

試大理評事王君墓誌銘

扶風郡夫人墓誌銘

殿中侍御史李君墓誌銘

卷第二十九

碑誌

朝散大夫商州刺史除名徙封州董府君墓誌銘

貞曜先生墓誌

祕書少監贈絳州刺史獨孤

府君墓誌銘

虞部員外郎張府君墓誌銘



檢校尚書左僕射右龍武軍統軍劉公墓誌銘

卷第三十

碑誌

監察御史衛府君墓銘 河南令張君墓誌銘

鳳翔隴州節度使李公墓誌銘

中散大夫少府監胡良公墓神道碑

相權公墓銘 平淮西碑

卷第三十一

碑誌

南海神廟碑

處州孔子廟碑

柳州羅池廟碑

黃陵廟碑

江南西道觀察使贈左散騎常侍太原王公神道碑

卷第三十二

碑誌

司徒兼侍中中書令贈太尉許國公神道碑銘

柳子厚墓誌銘

昭武校尉守左金吾衛將軍李公墓誌銘

朝散大夫尚書庫部郎中鄭君墓誌銘



朝散大夫越州刺史薛公墓誌銘

卷第三十三

碑誌

楚國夫人墓誌銘

國子司業竇公墓誌銘

正議大夫尚書左丞孔公墓誌銘

江南西道觀察使贈左散騎常侍太原王公墓誌銘

殿中少監馬君墓誌

卷第三十四

碑誌

南陽樊紹述墓誌銘

中大夫陝府左司馬李公墓誌銘

幽州節度判官贈給事中清河張君墓誌銘

河南府法曹參軍盧府君夫人墓誌銘

貝州司法參軍李君墓誌銘

處士盧君墓誌銘

太學博士李君墓誌銘

卷第三十五

碑誌

盧渾墓誌銘

虢州司戶韓府君墓誌銘



目錄  
三  
永懷

四門博士周況妻韓氏墓誌銘

韓滂墓誌銘  
女孥壙銘

河南綏氏主簿唐克妻盧氏墓誌銘

乳母墓銘

卷第三十六

雜文

瘞視銘

毛穎傳

送窮文

鱷魚文

卷第三十七

狀

贈太傅董公行狀

與汝州盧郎中論薦侯喜狀

論今年權停舉選狀

御史臺上論天旱人饑狀

請復國子監生徒狀

贈絳州刺史馬府君行狀

復讎狀

錢重物輕狀

卷第三十八

表狀

為韋相公讓官表

為宰相賀雪表

進順宗皇帝實錄表狀

為裴相公讓官表

昌黎全集  
目錄  
三  
永懷



為宰相賀白龜狀

冬薦官殷侑狀

進王用碑文狀

謝許受王用男人事物狀

薦樊宗師狀

舉錢徽自代狀

進撰平淮西碑文表

奏韓弘人事物狀

謝許受韓弘物狀

卷第三十九

表狀

論捕賊行賞表

論佛骨表

潮州刺史謝上表

賀冊尊號表

袁州刺史謝上表

賀皇帝即位表

賀赦表

賀冊皇太后表

賀慶雲表

舉張惟素自代狀

舉韓泰自代狀

慰國哀表

舉薦張籍狀

請上尊號表

舉韋顓自代狀

卷第四十

表狀

論孔戣致仕狀

舉馬摠自代狀



賀雨表

賀太陽不虧狀

舉張正甫自代狀

袁州申使狀

國子監論新注學官牒

黃家賊事宜狀

應所在典貼良人男女等狀

論淮西事宜狀

論變鹽法事宜狀

昌黎先生全集目錄

昌黎先生全集卷第一

門人隴西李漢編

後學東吳葛萬校

賦

感二鳥賦 并序

貞元十一年五月戊辰愈東歸癸酉自潼關出息于河之陰時始去京師有不遇時之歎見行有籠白鳥白鸚鵡而西者號於道曰某土之守某官使使者進於天子東西行者皆避路莫敢正目焉因竊自悲幸生天下無事時承先人之遺業不識干戈耜攻守耕穫之勤讀書著文自七歲至今凡二十二年其行已不敢有愧於道其閒居



思念前古當今之故亦僅志其一二大者焉選舉於有司與百十人  
 偕進退曾不得名薦書齒下士于朝以仰望天子之光明今是鳥也  
 惟以羽毛之異非有道德智謀承顧問贊教化者乃反得蒙採擢薦  
 進光耀如此故為賦以自悼且明夫遭時者雖小善必達不遭時者  
 累善無所容焉其辭曰

吾何歸乎吾將既行而後思誠不足以自存苟有食其從之出國門  
 而東驚觸白日之墜景時返顧以流涕念西路之羌永過潼關而坐  
 息窺黃流之奔猛感二鳥之無知方蒙恩而入幸惟進退之殊異增  
 余懷之耿耿彼中心之何嘉徒外飾焉是逞余生命之湮阨曾二鳥

之不如汨東西與南北恒十年而不居辱飽食其有數况策名於薦  
 書時所好之為賢庸有謂余之非愚昔殷之高宗得良弼於宵寐孰  
 左右者為之先信天同而神比及時運之未來或兩求而莫致雖家  
 到而戶說祗以招尤而速累蓋上天之生余亦有期於下地盍求配  
 於古人獨怊悵於無位惟得之而不能乃鬼神之所戲幸年歲之未  
 暮庶無羨於斯類

復志賦 并序

愈既從隴西公平汴州其明年七月有負薪之疾退休于居作復志  
 賦其辭曰



居悒悒之無解兮獨長思而永歎豈朝食之不飽兮寧冬裘之不完  
昔余之既有知兮誠坎軻而艱難當歲行之未復兮從伯氏以南遷  
凌大江之驚波兮過洞庭之漫漫至曲江而乃息兮逾南紀之連山  
嗟日月其幾何兮攜孤嫠而非旋值中原之有事兮將就食於江之  
南始專專於講習兮非古訓爲無所用其心窺前靈之逸迹兮超孤  
舉而幽尋旣識路又疾驅兮孰知余力之不任考古人之所佩兮閱  
時俗之所服忽忘身之不肖兮謂青紫其可拾自知者爲明兮故吾  
之所以爲惑擇吉日余西征兮亦旣造夫京師君之門不可遲而入  
兮遂從試於有司惟名利之都府兮羌衆人之所馳競乘時而附勢

兮紛變化其難推全純愚以靖處兮將與彼而異宜欲奔走以及事  
兮顧初心而自非朝騁驚乎書林兮夕翱翔乎藝苑諒却步以圖前  
兮不浸近而愈遠哀白日之不與吾謀兮至今十年其猶初豈不登  
名於一科兮曾不補其遺餘進旣不獲其志願兮退將遁而窮居排  
國門而東出兮慨余行之舒舒時憑高以迴顧兮涕泣下之交如戾  
洛師而悵望兮聊浮游以躊躇假大龜以視兆兮求幽貞之所廬甘  
潛伏以老死兮不顯著其名舉非夫子之洵美兮吾何爲乎凌之都  
小人之懷惠兮猶知獻其至愚固余異於牛馬兮寧止乎飲水而求  
芻伏門下而默默兮竟歲年以康娛時乘閒以獲進兮顏垂歡而愉



愉仰盛德以安窮兮又何忠之能輸昔余之約吾心兮誰無施而有獲嫉貪佞之洿濁兮曰吾其既勞而後食懲此志之不脩兮愛此言之不可忘情怙悵以自失兮心無歸之茫茫苟不內得其如斯兮孰與不食而高翔抱關之阨陋兮有肆志之揚揚伊尹之樂於畎畝兮焉貴富之能當恐誓言之不固兮斯自訟以成章往者不可復兮冀來今之可望

閔已賦

余悲不及古之人兮伊時勢而則然獨閔閔其曷已兮憑文章以自宣昔顏氏之庶幾兮在隱約而平寬固哲人之細事兮夫子乃嗟歎其賢惡飲食乎陋巷兮亦足以頤神而保年有至聖而爲之依歸兮又何不自得於艱難曰余昏昏其無類兮望夫人其已遠行舟楫而不識四方兮涉大水之漫漫勤祖先之所貽兮勉汲汲於前脩之言雖舉足以蹈道兮哀與我者爲誰衆皆捨而已用兮忽自惑其是非下土茫茫其廣大兮余壹不知其可懷就水草以休息兮恒未安而既危久拳拳其何故兮亦天命之本宜惟否泰之相極兮咸一得而一違君子有失其所兮小人有得其時聊固守以靜俟兮誠不及古之人兮其焉悲

別知賦



昌黎全集 卷一 目 元和聖德詩  
余取友於天下將歲行之兩周下何淡之不卽上何高之不求紛擾  
擾其既多咸喜能而好修寧安顯而獨裕顧阨窮而共愁惟知心之  
難得斯百一而爲收歲癸未而遷逐侶蟲蛇於海陬遇夫人之來使  
闢公館而羅羞索微言於亂志發孤笑於羣憂物何深而不鏡理何  
隱而不抽始參差以異序卒爛漫而同流何此歡之不可恃遂駕馬  
而迴輶山礚礚其相軋樹蓊蓊其相摻雨浪浪其不止雲浩浩其常  
浮知來者之不可以數哀去此而無由倚郭郭而掩涕空盡日以遲  
留

古詩

元和聖德詩 并序

臣愈頓首再拜言臣伏見皇帝陛下卽位已來誅流姦臣朝廷清明  
無有欺蔽外斬楊惠琳劉闢以收夏蜀東定青徐積年之叛海內怖  
駭不敢違越郊天告廟神靈歡喜風雨晦明無不從順太平之期適  
當今日臣蒙被恩澤日與羣臣序立紫宸殿陛下親望穆穆之光而  
共職業又在以經籍教導國子誠宜率先作歌詩以稱道盛德不可  
以辭語淺薄不足以自效爲解輒依古作四言元和聖德詩一篇凡  
千有二十四字指事實錄具載明天子文武神聖以警動百姓耳目  
傳示無極其詩曰



皇帝卽阼物無違拒曰暘而暘曰雨而雨維是元年有盜在夏欲覆其州以踵近武皇帝曰嘻豈不在我貧鄙爲艱縱則不可出師征之其衆十旅軍其城下告以福禍腹敗枝披不敢保聚擲首障外降幡夜監疆外之險莫過蜀土韋臯去鎮劉闢守後血入于牙不肯吐口開庫啗士曰隨所取汝張汝弓汝鼓汝鼓汝爲表書求我帥汝事始上聞在列咸怒皇帝曰然嗟遠士女苟附而安則且付與讀命於庭出節少府朝發京師夕至其部闢喜謂黨汝振而伍蜀可全有此不當受萬牛纒炙萬甕行酒以錦纏股以紅帕首有恠其兇有餌其誘其出穰穰隊以萬數遂劫東川遂據城阻皇帝曰嗟其又可許爰命

崇文分卒禁禦有安其驅無暴我野日行三十徐壁其右闢黨聚謀鹿頭是守崇文奉詔進退規矩戰不貪殺擒不濫數四方節度整兵頓馬上章請討俟命起坐皇帝曰嘻無汝煩苦荆并洎梁在國門戶出師三千各選爾醜四軍齊作殷其如臯或拔其角或脫其距長驅洋洋無有齟齬八月壬午闢棄城走載妻與妾包裹稚乳是日崇文入處其宇分散逐捕搜原剔藪闢窮見窘無地自處俯視大江不見洲渚遂自顛倒若杵投曰取之江中枷脰械手婦女纍纍啼哭拜叩來獻闕下以告廟社周示城市咸使觀覩解脫繫索夾以砧斧婉婉弱子赤立偃僂牽頭曳足先斷腰膂次及其徒體骸撐拄末乃取闢



駭汗如寫揮刀紛紜爭刳膾脯優賞將吏扶珪綴組帛堆其家聚寒  
其庾哀憐陣歿廩給孤寡贈官封墓周帀宏溥經戰伐地寬免租簿  
施令酬功急疾如火天地中間莫不順序幽恒青魏東盡海浦南至  
徐蔡區外雜虜怛威赧德踧踖蹈舞掉棄兵革私習簞簞來請來覲  
十百其耦皇帝曰吁伯父叔舅各安爾位訓厥眈晦正月元日初見  
宗祖躬執百禮登降拜俯薦于新宮視瞻梁楹感見容色淚落入俎  
侍祠之臣助我惻楚乃以上辛於郊用牡除于國南鱗笱毛簏廬慕  
周施開揭磊砢獸盾騰挈圓壇帖妥天兵四羅旂常婀娜駕龍十二  
魚魚雅雅宵昇于丘奠璧獻葷衆樂驚作轟虺融冶紫焰噓呵高靈

下墮羣星從坐錯落侈哆日君月妃煥赫嫋嫋瀆鬼濛鴻嶽祗業羸  
飮沃羶薌產祥降嘏鳳皇應奏舒翼自拊赤麟黃龍透陀結糾卿士  
庶人黃童白叟踊躍歡呀失喜噎歐乾清坤夷境落寒舉帝車迴來  
日正當午幸丹鳳門大赦天下滌濯剗磔磨滅瑕垢續功臣嗣拔賢  
任者孩養無告仁滂施厚皇帝神聖通達今古聽聰視明一似堯禹  
生知法式動得理所天錫皇帝爲天下主并包畜養無異細鉅億載  
萬年敢有違者皇帝儉勤盥濯陶瓦斥遣浮華好此綈紵戒戒四方  
侈則有咎天錫皇帝多麥與黍無召水旱耗于雀鼠億載萬年有富  
無窶皇帝正直別白善否擅命而狂旣翦旣去盡逐羣姦靡有遺侶



天錫皇帝厯臣碩輔博問遐觀以置左右億載萬年無敢侮皇帝  
大孝慈祥悌友怡怡愉愉奉太皇后浹于族親濡及九有天錫皇帝  
與天齊壽登茲太平無怠永久億載萬年為父為母博士臣愈職是  
訓詁作為歌詩以配吉甫

琴操十首

將歸操 孔子之趙聞殺鳴犢作

狄之水兮其色幽幽我將濟兮不得其由涉其淺兮石齧我足乘其  
深兮龍入我舟我濟而悔兮將安歸尤歸兮歸兮無與石鬪兮無應  
龍求

猗蘭操 孔子傷不逢時作

蘭之猗猗揚揚其香不採而佩於蘭何傷今天之旋其曷為然我行  
四方以日以年雪霜貿貿薺麥之茂子如不傷我不爾觀薺麥之茂  
薺麥之有君子之傷君子之守

龜山操 孔子以季桓子受齊女樂諫不從望龜山而作

龜之氛兮不能雲雨龜之枿兮不中梁柱龜之大兮祇以奄魯知將  
隳兮哀莫余伍周公有鬼兮嗟余歸輔

越裳操 周公作

雨之施物以孳我何意於彼為自周之先其艱其勤以有疆宇私我



後人我祖在上四方在下厥臨孔威敢戲以侮孰荒于門孰治于田四海既均越裳是臣

拘幽操 文王姜里作

目窈窕兮其凝其盲耳肅肅兮聽不聞聲朝不日出今夜不見月與星有知無知兮為死為生嗚呼臣罪當誅今天王聖明

岐山操 周公為大王作

我家于幽自我先公伊我承序敢有不同今狄之人將土我疆民為我戰誰使死傷彼岐有咀我往獨處爾莫余追無思我悲

履霜操 尹吉甫子伯奇無罪為後母譖而見逐自傷作

父兮兒寒母兮兒飢兒罪當笞逐兒何為兒在中野以宿以處四無人聲誰與兒語兒寒何衣兒飢何食兒行于野履霜以足母生眾兒有母憐之獨無母憐兒寧不悲

雉朝飛操 牧犢子七十無妻見雉雙飛感之而作

雉之飛于朝日羣雌孤雄意氣橫出當東而西當啄而飛隨飛隨啄羣雌粥粥嗟我雖人曾不如彼雉雞生身七十年無一妾與妃

別鵠操 商陵穆子娶妻五年無子父母欲其改娶其妻聞

之中夜悲嘯穆子感之而作

雄鵠銜枝來雌鵠啄泥歸巢成不生子大義當乖離江漢水之大鵠



身鳥之微更無相逢日且可繞樹相隨飛

殘形操 曾子夢見一狸不見其首作

有獸維狸兮我夢得之其身孔明兮而頭不知吉凶何為兮覺坐而思巫咸上天兮識者其誰

南山詩

吾聞京城南茲維羣山圍東西兩際海巨細難悉究山經及地志茫昧非受授團辭試提挈挂一念萬漏欲休諒不能粗叙所經觀嘗昇崇丘望戢戢見相湊晴明出稜角縷脉碎分繡蒸嵐相頽洞表裏忽通透無風自飄簸融液煦柔茂橫雲時平凝點點露數岫天空浮脩

眉濃綠畫新就孤撐有巉絕海浴寒鵬喙青陽潛沮洳濯濯吐深秀巖巒雖律率輒弱類含耐夏炎百木盛蔭鬱增埋覆神靈日歎歎雲氣爭結構秋霜喜刻轢磔卓立癯瘦參差相疊重剛耿陵宇宙冬行雖幽墨冰雪工琢鏤新曦照危峨億丈恒高袤明昏無停態頃刻異狀候西南雄太白突起莫閒漭藩都配德運分宅占丁戊逍遙越坤位詆訐陷乾竇空虛寒兢兢風氣較搜湫朱維方燒日陰霰縱騰糅昆明大池北去覲偶晴晝緜聯窮俯視側側困清漚微瀾動水面踊躍躁猱狄驚呼惜破碎仰喜呀不什前尋徑社墅全蔽畢原陋崎嶇上軒昂始得觀覽富行行將遂窮嶺陸煩互走勃然思坼裂擁掩難



自序全集 卷一 古詩  
怒宥巨靈與夸蛾遠賈期必售還疑造物意固護蓄精祐力雖能排  
幹雷電怯呵詬攀緣脫手足蹭蹬抵積爨茫如試矯首塢塞生恟怒  
威容喪蕭爽近新迷遠舊拘官計日月欲進不可又因緣窺其湫凝  
湛閔陰囁魚蝦可俯掇神物安敢寇林柯有脫葉欲墮鳥驚救爭銜  
彎環飛投棄急哺噉旋歸道迴睨達枿壯復奏吁嗟信奇怪峙質能  
化質前年遭譴謫探歷得邂逅初從藍田入顧眊勞頸脰時天晦大  
雪淚目苦矇瞶塗拖長冰直上若懸溜寒衣步推馬顛蹶退且復  
蒼黃忘遐睎所矚纔左右杉篁咤蒲蘇晁耀攢介胄專心憶平道脫  
險逾避臭昨來逢清霽宿願忻始副崢嶸躋冢頂倏閃雜鼉鼙前低

劃開闊爛漫堆衆皴或連若相從或蹙若相鬪或妥若弭伏或竦若  
驚雉或散若瓦解或赴若輻湊或翻若船遊或決若馬驟或背若相  
惡或向若相佑或亂若抽筍或嶮若注灸或錯若繪畫或繚若篆籀  
或羅若星離或翳若雲逗或浮若波濤或碎若鋤耨或如賁育倫賭  
勝勇前購先強勢已出後鈍嗔詎譎或如帝王尊叢集朝賤幼雖親  
不褻狎雖遠不悖謬或如臨食案肴核紛飭餽又如遊九原墳墓包  
榔柩或纍若盆罌或揭若甄杵或覆若曝鼈或頽若寢獸或蜿若藏  
龍或翼若搏鷲或齊若友朋或隨若先後或迸若流落或顧若宿留  
或戾若仇讎或密若婚媾或儼若峨冠或翻若舞袖或屹若戰陣或



圍若蒐狩或靡然東注或偃然北首或如火熺熺或若氣饋餽或行  
而不輟或遺而不收或斜而不倚或弛而不彀或赤若禿鶻或燠若  
柴樵或如龜坼兆或若卦分繇或前橫若剝或後斷若姤延延離又  
屬夫夫叛還邁喁喁魚闖萍落落月經宿閭閭樹牆垣巘巘架庫廡  
參參削劔戟煥煥銜瑩琇敷敷花披萼關關屋摧霤悠悠舒而安兀  
兀狂以狃超超出猶奔蠢蠢駭不懋大哉立天地經紀肖營媵厥初  
孰開張僂俛誰勸侑創茲朴而巧戮力忍勞疾得非施斧斤無乃假  
詛咒鴻荒竟無傳功大莫酬儻嘗聞於祠官芬苾降歆嗅斐然作歌  
詩惟用贊報醕

謝自然詩

果州南充縣寒女謝自然童騃無所識但聞有神仙輕生學其術乃  
在金泉山繁華榮慕絕父母慈愛捐凝心感魑魅慌惚難具言一朝  
坐空室雲霧生其間如聆笙竽韻來自冥冥天白日變幽晦蕭蕭風  
景寒簷楹斃明滅五色光屬聯觀者徒傾駭躑躅詎敢前須臾自輕  
舉飄若風中煙茫茫八紘大影響無由緣里胥上其事郡守驚且歎  
驅車領官吏毗俗爭相先入門無所見冠屨同蛻蟬皆云神仙事灼  
灼信可傳余聞古夏后象物知神姦山林民可入魍魎莫逢旃逶迤  
不復振後世恣欺謾幽明紛雜亂人鬼更相殘秦皇雖篤好漢武洪



其源自從二主來此禍竟連連木石生怪變狐狸騁妖患莫能盡性命安得更長延人生處萬類知識最為賢奈何不自信反欲從物遷往者不可悔孤魂抱深冤來者猶可誠余言豈空文人生有常理男女各有倫寒衣及飢食在紡績耕耘下以保子孫上以奉君親苟異於此道皆為棄其身噫乎彼寒女永託異物羣感傷遂成詩昧者宜書紳

秋懷詩十一首

牕前兩好樹眾葉光蕤蕤秋風一披拂策策鳴不已微燈照空牀夜半偏入耳愁憂無端來感歎成坐起天明視顏色與故不相似義和

驅日月疾急不可恃浮生雖多塗趨死惟一軌胡為浪自苦得酒且歡喜

白露下百草蕭蘭共雕悴青青四牆下已復生滿地寒蟬暫寂寞蟋蟀鳴自恣運行無窮期稟受氣苦異適時各得所松柏不必貴

彼時何卒卒我志何曼曼犀首空好飲廉頗尚能飯學堂日無事驅馬適所願茫茫出門路欲去聊自勸歸還閱書史文字浩千萬陳跡竟誰尋賤嗜非貴獻丈夫意有在女子乃多怨

秋氣日惻惻秋空日凌凌上無枝上螭下無盤中蠅豈不感時節耳目去所憎清曉卷書坐南山見高稜其下澄湫水有蛟寒可罾惜哉



不得往豈謂吾無能

離離掛空悲感感抱虛警露泣秋樹高蟲弔寒夜永歛退就新懦趨  
營悼前猛歸愚識夷塗沒古得脩綆名浮猶有恥味薄真自幸庶幾  
遺悔尤卽此是幽屏

今晨不成起端坐盡日景蟲鳴室幽幽月吐牕罔罔喪懷若迷方浮  
念劇舍榎塵埃慵伺候文字浪馳騁尚須勉其頑王事有朝請  
秋夜不可晨秋日苦易暗我無汲汲志何以有此憾寒雞空在棲缺  
月煩屢瞰有琴具徽絃再鼓聽愈淡古聲久埋滅無由見真濫低心  
逐時趨苦勉祇能暫有如乘風船一縱不可纜不如覩文字丹鉛事

點勘豈必求贏餘所要石與甌

卷卷落地葉隨風走前軒鳴聲若有意顛倒相追奔空堂黃昏暮我  
坐默不言童子自外至吹燈當我前問我我不應饋我我不餐退坐  
西壁下讀詩盡數編作者非今士相去時已千其言有感觸使我復  
悽酸顧謂汝童子置書且安眠丈夫屬有忘事業無窮年

霜風侵梧桐衆葉著樹乾空堦一片下瑤若摧琅玕謂是夜氣滅望  
舒霄其團青冥無依倚飛轍危難安驚起出戶視倚楹久汎瀾憂愁  
費晷景日月如跳丸迷復不計遠爲君駐塵鞍

暮暗來客去羣鷺谷收聲悠悠偃宵寂齶齶抱秋明世累忽進慮外

各



憂遂侵誠強懷張不滿弱念缺已盈詰屈避語穿冥茫觸心兵敗虞  
千金弃得比寸草榮知恥足爲勇晏然誰汝令

鮮鮮霜中菊既晚何用好揚揚弄芳蝶爾生還不早運窮兩值遇婉  
變死相保西風蟄龍蛇衆木日凋槁由來命分爾泯滅豈足道

赴江陵途中寄贈王二十補闕李十一拾遺李二十六員外

翰林三學士

孤臣昔放逐血泣追愆尤汗漫不省識况如乘桴浮或自疑上疏上  
疏豈其由是年京師旱田畝少所收上憐民無食征賦半已休有司  
恤經費未免煩徵求富者旣云急貧者固已流傳聞閭里間赤子弃

渠溝持男易斗粟掉臂莫肯酬我時出衢路餓者何其稠親逢道邊  
死佇立久咿嚶歸舍不能食有如魚中鈎適會除御史誠當得言秋  
拜疏移閣門爲忠寧自謀上陳人疾苦無令絕其喉下陳畿甸內根  
本理宜優積雪驗豐熟幸寬待蠶麤天子惻然感司空歎綢繆謂言  
卽施設乃反遷炎州同官盡才俊偏善柳與劉或慮語言洩傳之落  
冤讎二子不宜爾將疑斷還不中使臨門遣頃刻不得留病妹臥牀  
褥分知隔明幽悲啼乞就別百請不領頭弱妻抱稚子出拜忘慙羞  
僂俛不迴顧行行詣連州朝爲青雲士暮作白首囚商山季冬月冰  
凍絕行輶春風洞庭浪出沒驚孤舟逾嶺到所任低顏奉君侯酸寒



何足道隨事生瘡疣遠地觸途異吏民似猿猴生瘳多忿很辭舌紛  
 嘲啁白日屋簷下雙鳴鬪鶴鷗有蛇類兩首有蠱羣飛游窮冬或搖  
 扇盛夏或重裘颺起最可畏旬哮鏃陵丘雷霆助光怪氣象難比侔  
 癘疫忽潛遘十家無一瘳猜嫌動置毒對案懷愁前日遇恩赦私  
 心喜還憂果然又羈縶不得歸勅稷此府雄且大騰凌盡戈矛棲棲  
 公曹椽何處事卑陬生平企仁義所學皆孔周早知大理官不列三  
 后儔何況親犴獄敲榜發姦偷懸知失事勢恐自罹罟罟湘水清且  
 急涼風日脩脩胡爲首歸路旅泊尚夷猶昨者京師至嗣皇傳冕旒  
 赫然下明詔首罪誅共吸復聞顛天輩峨冠進鴻疇班行再肅穆璜

珮鳴琅璆佇繼貞觀烈邊封脫兜鍪三賢推侍從卓犖傾枚鄒高議  
 參造化清文煥皇猷協心輔齊聖政理同毛輜小雅詠鳴鹿食苹貴  
 啣啣遺風邈不嗣豈憶嘗同襦矢志早衰換前期擬蜉蝣自從齒牙  
 缺始慕舌爲柔因疾鼻又塞漸能等薰蕕深思罷官去畢命依松楸  
 空懷焉能果但見歲已適殷湯閔禽獸解網祝蛛蝥雷煥掘寶劍寃  
 氛銷斗牛茲道誠可尚誰能借前籌殷勤謝吾友明月非暗投

暮行河堤上

暮行河堤上四顧不見人衰草際黃雲感歎愁我神夜歸孤舟臥展  
 轉空及晨謀計竟何就嗟嗟世與身



昌黎全集 卷一 詩 二 三  
夜歌  
靜夜有清光，閉堂仍獨息。念身幸無恨，志氣方自得。樂哉何所憂，所憂非我力。

重雲李觀疾贈之

天行失其度，陰氣來干陽。重雲閉白日，炎燠成寒涼。小人但咨怨，君子惟憂傷。飲食爲減少，身體豈寧康。此志誠足貴，懼非職所當。藜藿尚如此，肉食安可嘗。窮冬百草死，幽桂乃芬芳。且況天地間，大運自有常。勸君善飲食，鸞鳳本高翔。

江漢答孟郊

江漢雖云廣，乘舟渡無艱。流沙信難行，馬足常往還。淒風結衝波，狐裘能禦寒。終宵處幽室，華燭光爛爛。苟能行忠信，可以居夷蠻。嗟余與夫子，此義每所敦。何爲復見贈，繾綣在不諼。

長安交遊者贈孟郊

長安交遊者，貧富各有徒。親朋相過時，亦各有以娛。陋室有文史，高門有笙竽。何能辨榮悴，且欲分賢愚。

岐山下二首

誰謂我有耳，不聞鳳皇鳴。竭來岐山下，日暮邊鴻驚。丹穴五色羽，其名爲鳳皇。昔周有盛德，此鳥鳴高岡。和聲隨祥風，窅窕相飄揚。聞者



亦何事但知時俗康自從公旦死千載闕其光吾君亦勤理遲爾一  
來新

昌黎先生全集卷第二

古詩

北極贈李觀

北極有羈羽南溟有沈鱗川原浩浩隔影響兩無因風雲一朝會變  
化成一身誰言道里遠感激疾如神我年二十五求友昧其人哀歌  
西京市乃與夫子親所尚苟同趨賢愚豈異倫方爲金石姿萬世無  
緇磷無爲兒女態憔悴悲賤貧

此日足可惜贈張籍

此日足可惜此酒不足嘗捨酒去相語共分一日光念昔未知子孟



君自南方自矜有所得言子有文章我名屬相府欲往不得行思之  
不可見百端在中腸維時月魄死冬日朝在房驅馳公事退聞子適  
及城命車載之至引坐於中堂開懷聽其說往往副所望孔丘歿已  
遠仁義路久荒紛紛百家起詭怪相披猖長老守所聞後生習爲常  
少知誠難得純粹古已亡譬彼植園木有根易爲長留之不遺去館  
置城西旁歲時未云幾浩浩觀湖江衆夫指之笑謂我知不明兒童  
畏雷電魚鼈驚夜光州家舉進士選試繆所當馳辭對我策章句何  
焯煌相公朝服立工席歌鹿鳴禮終樂亦闋相拜送於庭之子去須  
臾赫赫流盛名竊喜復竊歎諒知有所成人事安可恒奄忽令我傷

聞子高第日正從相公喪哀情逢吉語恻怛難爲雙暮宿偃師西徒  
展轉在牀夜聞汴州亂遶壁行傍徨我時留妻子倉卒不及將相見  
不復期零落甘所了驕女未絕乳念之不能忘忽如在我所耳若聞  
啼聲中途安得返一日不可更俄有東來說我家免罹殃乘船下汴  
水東去趨彭城從喪朝至洛還走不及停假道經盟津出入行澗岡  
日西入軍門羸馬顛且僵主人願少留延入陳壺觴卑賤不敢辭忽  
忽心如狂飲食豈知味絲竹徒轟轟平明脫身去決若驚鳧翔黃昏  
次汜水欲過無舟航號呼久乃至夜濟十里黃中流上灘渾沙水不  
可詳驚波暗合沓星宿爭翻芒轅馬蹢躅鳴左右泣僕童甲午憩時



門臨泉窺鬪龍東西出陳許陂澤平茫茫道邊草木花紅紫相低昂  
 百里不逢人角角雄雉鳴行行二月暮乃及徐南疆下馬步堤岸上  
 船拜吾兄誰云經艱難百口無天殤僕射南陽公宅我唯水陽篋中  
 有餘衣盎中有餘糧閉門讀書史窓戶忽已涼日念子來遊子豈知  
 我情別離未為久辛苦多所經對食每不飽其言無倦聽連延三十  
 日晨坐達五更我友二三子宦遊在西京東野窺禹穴李翱觀濤江  
 蕭條千萬里會合安可逢淮之水舒舒楚山直叢叢子又捨我去我  
 懷焉所窮男兒不再壯百歲如風狂高爵尚可求無為守一鄉

幽懷

幽懷不能寫行此春江潯適與佳節會士女競光陰凝粧耀洲渚繁  
 吹蕩人心閒關林中鳥亦知和為音豈無一樽酒自酌還自吟但悲  
 時易失四序迭相侵我歌君子行視古猶視今

君子法天運

君子法天運四時可前知小人惟所遇寒暑不可期利害有常勢取  
 捨無定姿焉能使我心皎皎遠憂疑

落葉送陳羽

落葉不更息斷蓬無復歸飄飄終自異邂逅暫相依悄悄淡夜語悠  
 悠寒月輝誰云少年別流淚各霑衣



歸彭城

天下兵又動太平竟何時  
 訂謨者誰子無乃失所宜  
 前年關中旱閭井多死飢  
 去歲東郡水生民為流屍  
 上天不虛應禍福各有隨  
 我欲進短策無由至彤墀  
 刳肝以為紙瀝血以書辭  
 上言陳堯舜下言引龍夔  
 言詞多感激文字少葳蕤  
 一讀已自怪再尋良自疑  
 食芹雖云美獻御固已癡  
 緘封在骨髓耿耿空自奇  
 昨者到京師屢陪高車馳  
 周行多俊異議論無瑕疵  
 見待頗異禮未能去毛皮  
 到口不敢吐徐徐俟其蠟  
 歸來戎馬閒驚顧似羈雌  
 連日或不語終朝見相欺  
 乘閒輒騎馬茫茫詣空陂  
 遇酒即酌酌君知我為誰

醉後

煌煌東方星奈此眾客醉  
 初喧或忿爭中靜雜嘲戲  
 淋漓身上衣顛倒筆下字  
 人生如此少酒賤且勤置

醉贈張祕書

人皆勸我酒我若耳不聞  
 今日到君家呼酒持勸君  
 為此座上客及余各能文  
 君詩多態度藹藹春空雲  
 東野動驚俗天葩吐奇芬  
 張籍學古淡軒鶴避雞羣  
 阿買不識字頗知書八分  
 詩成使之寫亦足張吾軍  
 所以欲得酒為文俟其醺  
 酒味既冷冽酒氣又氛氲  
 性情漸浩浩諧笑方云云  
 此誠得酒意餘外徒續紛  
 長安眾富兒盤饌羅羶葷



不解文字飲惟能醉紅裙雖得一餉樂有如聚飛蚊今我及數子固  
無猶與薰險語破鬼膽高詞媿皇墳至寶不雕琢神功謝鋤耘方今  
向泰平元凱承華勛吾徒幸無事庶以窮朝曛

同冠峽

南方二月半春物亦已少維舟山水間晨坐聽百鳥宿雲尚含姿朝  
日忽升曉羈旅感和鳴囚拘念輕矯潺湲淚久迸詰曲思增繞行矣  
且無然蓋棺事乃了

送惠師

惠師浮屠者乃是不羈人十五愛山水超然謝朋親脫冠剪頭髮飛

步遺蹤塵發跡入四明梯空上秋旻遂登天台望衆壑皆嶙峋夜宿  
最高頂舉頭看星辰光芒相照燭南北爭羅陳茲地絕翔走自然嚴  
且神微風吹木石澎湃聞韶鈞夜半起下視溟波銜日輪魚龍驚踊  
躍叫嘯成悲辛怪氣或紫赤敲磨共輪囷金鷄旣騰翥六合俄清新  
常聞禹穴奇東去窺甌閩越俗不好古流傳失其真幽蹤邈難得聖  
路嗟長埋廻臨湘江濤屹起高峨岷壯志死不息千年如隔晨是非  
竟何有棄去非吾倫凌江詣廬嶽浩蕩極遊巡崔嵬沒雲表陂陀浸  
湖淪是時雨初霽懸瀑垂天紳前年往羅浮步夏南海濬大哉陽德  
盛榮茂恒畱春鵬騫墮長翮鯨戲側脩鱗自來連州寺曾未造城闔



日攜青雲客探勝窮崖濱太守邀不去羣官請徒頻囊無一金資翻  
謂富者貧昨日忽不見我令訪其鄰奔波自追及把手問所因顧我  
却興歎君寧異於民離合自古然辭別安足珍吾聞九疑好夙志今  
欲伸斑竹啼舜婦清湘沈楚臣衡山與洞庭此固道所循尋嵩方抵  
洛歷華遂之秦浮游靡定處偶往卽通津吾言子當去子道非吾遵  
江魚不池活野鳥難籠馴吾非西方教憐子狂且醇吾嫉情遊者憐  
子愚且諄去矣各異趣何爲浪霑巾

送靈師

佛法入中國爾來六百年齊民逃賦役高士著幽禪官吏不之制紛

紛聽其然耕桑日失隸朝署時遺賢靈師皇甫姓胤胄本蟬聯少小  
涉書史早能綴文篇中間不得意失跡成延遷逸志不拘教軒騰斷  
牽攀圍其鬪白黑生死隨機權六博在一擲梟盧叱迴旋戰詩誰與  
敵浩汗橫戈鋌飲酒盡百觥嘲諧思逾鮮有時醉花月高唱清且緜  
四座咸寂默杳如奏湘絃尋勝不憚險黔江屢洄浴瞿塘五六月驚  
電讓歸船怒水忽中裂千尋墮幽泉環迴勢益急仰見團團天投身  
豈得計性命甘徒捐浪沫蹙翻涌漂浮再生全同行二十人蒐骨俱  
坑填靈師不掛懷冒涉道轉延開忠二州牧詩賦時多傳失職不把  
筆珠璣爲君編強留費日月密席羅嬋娟昨者至林邑使君數開筵



逐客三四公盈懷贈蘭荃湖游泛漭沆溪宴駐潺湲別語不許出行  
裾動遭牽鄰州競招請書札何翩翩十月下桂嶺乘寒恣窺緣落落  
王員外爭迎獲其先自從入賓館占恹久能專吾徒頗攜被接宿窮  
歡妍聽說兩京事分明皆眼前縱橫雜謠俗瑣屑咸羅穿材調真可  
惜朱丹在磨研方將歛之范且欲冠其顛韶陽李太守高步陵雲煙  
得客輒忘食開囊乞繒錢手持南曹叙字重青瑤鐫古氣參豕繫高  
標摧太玄維舟事干謁披讀頭風痊還如舊相識傾壺暢幽帽以此  
復留滯歸驂幾時鞭

縣齊有懷

少小尚奇偉平生足悲咤猶嫌子夏儒肯學樊遲稼事業窺臯稷文  
章蔑曹謝濯纓起江湖綴珮雜蘭麝悠悠指長道去去策高駕誰爲  
傾國媒自許心城價初隨計吏貢屢入澤宮射雖免十上勞何能一  
戰霸人情志冰異世路多權詐蹉跎顏遂低摧折氣愈下冶長信非  
罪侯生或遺罵懷書出皇都銜淚渡清灞身將老寂寞志欲死閑暇  
朝食不盈腸冬衣纔掩骼軍書旣頻召戎馬乃連跨大梁從相公彭  
城赴僕射弓箭圍狐兔絲竹羅酒觴兩府變荒涼三年就休假求官  
去東洛犯雪過西華塵埃紫陌春風雨靈臺夜名聲荷朋友援引之  
姻媿雖陪彤庭臣詎縱青真鞮寒空聳危闕曉色曜修架捐軀辰在



昌黎全集 卷二 古詩  
丁鍛翮時方禱投荒誠職分領邑幸寬赦湖波翻日車嶺石坼天罅  
毒霧恒熏晝炎風每燒夏雷威固已加颶勢仍相借氣象杳難測聲  
音吁可怕夷言聽未慣越俗循猶乍指摘兩僧嫌睚盱互猜訝祗緣  
恩未報豈謂生足藉嗣皇新繼明率土日流化惟思滌瑕垢長去事  
桑柘劇嵩開雲扃壓頽抗風榭禾麥種滿地梨棗栽繞舍兒童稍長  
成雀鼠得驅嚇官租日輸納村酒時邀迓閑愛老農愚歸弄小女姪  
如今便可爾何用畢婚嫁

合江亭

紅亭枕湘江蒸水會其左瞰臨眇空闊綠淨不可唾維昔經營初邦

君實王佐翦林遷神祠買地費家貨梁棟宏可愛結構麗匪過伊人  
去軒騰茲宇遂頽挫老郎來何暮高唱久乃和樹蘭盈九畹栽竹逾  
萬个長纒汲滄浪幽蹊下坎坳波濤夜俯聽雲樹朝對臥初如遺宦  
情終乃最郡課人生誠無幾事往悲豈奈蕭條歲時契闊繼庸懦  
勝事誰復論醜聲日已播中丞黜凶邪天子閔窮餓君侯至之初閭  
里自相賀淹滯樂閑曠勤苦勸慵惰爲余掃塵階命樂醉衆座窮秋  
感平分新月憐半破願書巖上石勿使泥塵浣

陪杜侍御遊湘西兩寺獨宿有題因獻楊常侍

長沙千里平勝地猶在險况當江闊處斗起勢匪漸溪林高玲瓏青



山上琬琰路窮臺殿闢佛事煥且儼剖竹走泉源開廊架崖穴是時  
 秋之殘暑氣尚未歛羣行忘後先朋息棄拘檢客堂喜空涼華榻有  
 清簟澗蔬煮蒿芹水果剝菱芡伊余夙所慕陪賞亦云忝幸逢車馬  
 歸獨宿門不掩山樓黑無月漁火燦星點夜風一何喧杉檜屢磨颯  
 猶疑在波濤怵惕夢成魘靜思屈原沈遠憶賈誼貶椒蘭爭妬忌絳  
 灌共讒諂誰令悲生腸坐使淚盈臉翻飛乏羽翼指摘困瑕玷珥貂  
 藩維重政化類分陝禮賢道何優奉已事苦儉大厦棟方隆巨川楫  
 行剡經營誠少暇遊宴固已歉旅程愧淹留徂歲嗟荏苒平生每多  
 感柔翰遇頻展轉嶺猿鳴曙燈青睽睽

岳陽樓別竇司直

洞庭九州間厥大誰與讓南匯羣崖水北注何奔放瀦為七百里吞  
 納各殊狀自古澄不清環混無歸向炎風日搜攬幽怪多冗長軒然  
 大波起宇宙隘而妨巍峩拔蒿華騰蹕較健壯聲音一何宏轟輻車  
 萬兩猶疑帝軒轅張樂就空曠蛟螭露筍簾編練吹組帳鬼神非人  
 世節奏頗跌踢陽施見誇麗陰閉感悽愴朝過宜春口極北缺堤障  
 夜纜巴陵洲叢芮纔可傍星河盡涵泳俯仰迷上下餘瀾怒不已喧  
 聒鳴窶益明登岳陽樓輝煥朝日亮飛廉戢其威清晏息纖纒泓澄  
 湛凝綠物影巧相况江豚時出戲驚波忽蕩漾當時冬之孟隙竅縮



寒漲前臨指近岸側坐眇難望滌濯神竟醒幽懷舒以暢主人孩童  
 舊握手乍忻悵憐我竄逐歸相見得無恙開筵交履舄爛漫倒家釀  
 盃行無畱停高柱送清唱中盤進橙栗投擲傾脯醬歡窮悲心生婉  
 變不能忘念昔始讀書志欲干霸王屠龍破千金為藝亦云亢愛才  
 不擇行觸事得譏謗前年出官由此禍最無妄公卿採虛名擢拜識  
 天仗姦猜畏彈射斥逐恣欺誑新恩移府庭逼側厠諸將于嗟苦駕  
 緩但懼失宜當追思南渡時魚腹甘所葬嚴程迫風帆劈箭入高浪  
 顛沈在須臾忠鯁誰復諒生還真可喜剋已自懲創庶從今日後粗  
 識得與喪事多改前好趣有獲新尚誓耕十畝田不取萬乘相細君

知蠶織稚子已能餉行當掛其冠生死君一訪

送文暢師北遊

昔在四門館晨有僧來謁自言本吳人少小學城闕已窮佛根源粗  
 識事輒軌攀拘屈吾真戒轄思遠發薦紳秉筆徒聲譽耀前闕從來  
 送行詩屢造忍顛蹶今成十餘卷浩汗羅斧鉞先生闕窮巷未得窺  
 剗厠又聞識大道何路補剗刑出其囊中文滿聽實清越謂僧當少  
 安草序頗排訐上論古之初所以施賞罰下開迷惑曾寧豁斷株糜  
 僧時不聽螢若飲水救渴風塵一出門時日多如髮三年竄荒嶺守  
 縣坐淡樾徵租聚異物詭製恒巾鞞幽窮共誰語思想甚含噓昨來



得京官照壁喜見蝸况逢舊親識無不比鵜鷹長安多門戶弔慶少  
 休歇而能勤來過重惠安可揭當今聖政初恩澤完滅狄胡為不自  
 暇飄戾逐鷓鷹僕射領北門威德壓胡羯相公鎮幽都竹帛爛勳伐  
 酒場舞閨姝獵騎圍邊月開張篋中寶自可得津筏從茲富裘馬寧  
 復茹藜蕨余期報恩後謝病老耕垆庇身指蓬茅逞志縱獫狁僧還  
 相訪來山藥煮可掘

答張徹

辱贈不知報我歌爾其聆首叙始識面次言後分形道途綿萬里日  
 月垂十齡浚郊避兵亂睢岸連門停肝膽一古劍波濤兩浮萍漬墨

竄舊史磨丹注前經義苑手祕寶文堂耳驚靈暄晨躡露鳥暑夕眠  
 風櫺結友子讓抗請師我慙丁初味猶噉蔗遂通斯建瓴搜奇日有  
 富嗜善心無寧石梁平佺佺沙水光泠泠乘枯摘野豔沈細抽潛腥  
 遊寺去陟巘尋徑返穿汀綠雲竹竦竦失路麻冥冥淫潦忽翻野平  
 蕪眇開溟防泄塹夜塞懼衝城晝局及去事戎轡相逢宴軍伶觥秋  
 縱兀兀獵旦馳駟駟從賦始分手朝京忽同舫急時促暗棹戀月醅  
 虛亭畢事驅傳馬安居守應螢梅花灞水別宮燭驪山醒省選遠投  
 足鄉賓尚摧翎塵祛又一換淚背還雙熒洛邑得休告華山窮絕陘  
 倚巖睨海浪引袖拂天星日駕此迴轄金神所司刑泉紳拖脩白石



劍攢高青磴，薛達拳跼梯。颺飈伶俜悔，狂已咋指垂。誠仍鐫銘峨，豸  
 忝備列伏蒲，愧分涇微誠。慕橫草瓊力，摧撞筵疊雪。走商嶺飛波，航  
 洞庭下險疑，墮井守官類。拘囚荒餐茹，僚蠱幽夢感。湘靈刺史肅，蒼  
 蔡吏人沸蝗螟，點綴簿上字。趨蹌閣前鈴，賴其飽山水。得以娛瞻聽，  
 紫樹雕斐璽，碧流滴瓏玲。映波鋪遠錦，插地列長屏。愁狄酸骨死，怪  
 花醉竟馨。潛苞絳實坼，幽乳翠毛零。赦行五百里，月變三十莩。漸階  
 羣振鷺，入學誨螟蛉。萃甘謝鳴鹿，羸滿慙罄餅。罔罔抱瑚璉，飛飛臨  
 鵠鳩。魚鬣欲脫背，虬光先照礪。豈獨出醜類，方當動朝廷。勤來得晤  
 語，勿憚宿寒廳。

薦士

周詩三百篇，雅麗理訓誥。曾經聖人手，議論安敢到。五言出漢時，蘇  
 李首更號。東都漸瀰漫，派別百川導。建安能者七，卓犖變風操。逶迤  
 抵晉宋，氣象日凋耗。中間數鮑謝，比近最清奧。齊梁及陳隋，衆作等  
 蟬噪。搜春摘花卉，沿襲傷剽盜。國朝盛文章，子昂始高蹈。勃興得李  
 杜，萬類困陵暴。後來相繼生，亦各臻閭奧。有窮者孟郊，受材實雄鷲。  
 冥觀洞古今，象外逐幽好。橫空盤硬語，妥帖力排奡。敷柔肆紆餘，奮  
 猛卷海潦。榮華肖天秀，捷疾逾響報。行身踐規矩，甘辱恥媚竈。孟軻  
 分邪正，眸子看瞭眊。杳然粹而清，可以鎮浮躁。酸寒溧陽尉，五十幾



何老孜孜營甘旨辛苦久所冒俗流知者誰指注競嘲傲聖皇索遺  
逸髦士日登造廟堂有賢相愛遇均覆燾况承歸與張二公迭嗟悼  
青冥送吹噓強箭射魯縞胡爲久無成使以歸期告霜風破佳菊嘉  
節迫吹帽念將夾焉去感物增戀嫪彼微水中荷尚煩左右芼魯侯  
國至小廟鼎猶納郛幸當擇珉玉寧有棄珪瑁悠悠我之思擾擾風  
中蠹上言愧無路日夜惟心禱鶴翎不天生變化在啄菹通波非難  
圖尺地易可漕善善不汲汲後時徒悔懊救死具八珍不如一簞犒  
微詩公勿誚愷悌神所勞

喜侯喜至贈張籍張徹

昔我在南時數君長在念搖搖不可止諷詠日喞喞如以膏濯衣每  
漬垢逾染又如心中疾箴石非所砭常思得遊處至死無倦厭地遐  
物奇怪水鏡涵石劒荒花窮漫亂幽獸工騰閃礙目不忍窺忽忽坐  
昏墊逢神多所祝豈忘靈卽驗依依夢歸路歷歷想行店今者誠自  
幸所懷無一欠孟生去雖索侯氏來還歎欷眠聽新詩屋角月豔豔  
雜作承閒騁交驚舌牙齶續紛指瑕疵拒捍阻城塹以余經摧挫固  
請發鉛槧居然妄推讓見謂藝天談比疎語徒妍悚息不敢占呼奴  
具盤飧釘鮓魚菜贍人生但如此朱紫安足僭

古風



今日曷不樂幸時不用兵無日既蹙矣乃尚可以生彼州之賦去汝  
不顧此州之役去我奚適一邑之水可走而違天下湯湯曷其而歸  
好我衣服甘我飲食無念百年聊樂一日

駑驥

駑駘誠齷齪市者何其稠力小苦易制價微良易酬渴飲一斗水飢  
食一束芻嘶鳴當大路志氣若有餘騏驎生絕域自矜無匹儔牽驅  
入市門行者不為留借問價幾何黃金比嵩丘借問行幾何咫尺視  
州飢食玉山禾渴飲醴泉流問誰能為御曠世不可求惟昔穆天  
之極退遊王良執其轡造父挾其軻因言天外事茫惚使人愁

駑駘謂騏驎餓死余爾羞有能必見用有德必見收孰云時與命通  
塞皆自由騏驎不敢言低徊但垂頭人皆劣騏驎共以駑駘優嗚余  
獨興歎才命不同謀寄詩同心子為我商聲謳

馬馱穀

馬馱穀兮士不馱糠粃土被文繡兮士無裋褐彼其得志兮不我虞  
一朝失志兮其何如已焉哉嗟嗟乎鄙夫

出門

長安百萬家出門無所之豈敢尚幽獨與世實參差古人雖已死書  
上有其辭開卷讀且想千載若相期出門各有道我道方未夷且於



此中息天命不吾欺

嗟哉董生行

淮水出桐栢山東馳遙遙千里不能休  
 淝水出其側不能千里百里入淮流  
 壽州屬縣有安豐唐貞元時縣人董生  
 召南隱居行義於其中刺史不能薦天  
 子不聞名聲爵祿不及門門外惟有吏  
 日來徵租更索錢嗟哉董生朝中耕夜  
 歸讀古人書盡日不得息或山而樵或  
 水而漁入廚具甘旨上堂問起居父母  
 不感感妻子不咨咨嗟哉董生孝且慈  
 人不識惟有天翁知生祥下瑞無時期  
 家有狗乳出求食雞來哺其兒啄啄庭  
 中拾蟲蟻哺之不食鳴聲悲傍徨躑躅  
 久不去

以翼來覆待狗歸嗟哉董生誰將與儔  
 時之人夫妻相虐兄弟為讎食君之祿  
 而令父母愁亦獨何心嗟哉董生無與  
 儔

烽火

登高望烽火誰謂塞塵飛王城富且樂  
 曷不專光輝勿言日已暮相見恐行稀  
 願君熟念此秉燭夜中歸我歌寧自感  
 乃獨淚霑衣

汴州亂二首

汴州城門朝不開天狗墮地聲如雷健  
 兒爭誇殺留後連屋與棟燒成灰諸侯  
 起又不能救孤士何者自興哀母從子  
 走者為誰大夫夫人留後兒昨日乘車  
 騎大馬坐者起趨乘



者下廟堂不肯用干戈嗚呼奈汝母子何


利劍

利劍光耿耿佩之使我無邪心故人念我寡徒侶持用贈我比知音  
我心如冰劍如雪不能刺讒夫使我心腐劍鋒折決雲中斷開青天  
噫劍與我俱變化歸黃泉

齷齪

齷齪當世士所憂在飢寒但見賤者悲不聞貴者歎大賢事業異遠  
抱非俗觀報國心皎潔念時涕汎瀾妖姬坐左右柔指發哀彈酒肴  
雖曰陳感激寧為歡秋陰欺白日泥濘不少乾河堤決東郡老弱隨

驚湍天意固有屬誰能詰其端願辱太守薦得充諫諍官排雲叫闥  
闔披腹呈琅玕致君豈無術自進誠獨難



昌黎先生全集卷第二



皇朝全書

卷二

古詩

七

三十一

Blank page with vertical lines for text.



